

VAHAKN N. DADRAN, The Nalm-Andonian Documents on the World War I Destruction of Ottoman Armenians: The Anatomy of a Genocide, *International Journal of a Middle East Studies*, 1986, vol. 18, № 3, pp. 311—359.

ՎԱՀԱԿՆ ԴԱԴՐՅԱՆ, Նայիմ-Անտոնյան փաստաթղթերը առաջին համաշխարհային պատերազմի ժամանակ արևմտահայերի բնաջնջման մասին ցեղասպանության վերլուծությունը

Նյու Յորքի նահանգային համալսարանի դասախոս, սոցիոլոգ և ցեղասպանության պատմության մասնագետ Վ. Դադրյանի հոդվածը՝ հագեցած հարուստ ծանոթագրություններով, դրված է թուրքական, գերմանական ու ամերիկյան բազմաթիվ աղբյուրների և վավերագրների հիման վրա: Հեղինակն իր առջև դրել է Նայիմ բեյի և Արամ Անտոնյանի փաստաթղթերի վավերականությունը գիտականորեն հիմնավորելու խնդիրը: Կասկածից վեր է այդ փաստաթղթերի լսափազանց կարևորությունն ու արժեքը, քանի որ դրանք կատարված հանցագործությունների մասին պետական գաղտնիքների սկզբնաղբյուր են:

Հայտնի է, որ վերջին տասնամյակի ընթացքում գիտական հրապարակի վրա սկսեցին երևան գալ հայկական ցեղասպանության մասին գրված ուսումնասիրություններ, և ցեղասպանության ճանաչման հարցը աստիճանաբար դարձավ միջազգային ուշադրության առարկա: Այս հանգամանքը չէր կարող չանհանգստացնել թուրքիայի ղեկավար շրջաններին, ինչպես նաև պատմաբաններին, որոնք ղանազան միջոցների դիմեցին ու դեռ շարունակում են ամենուրեք գործունեություն ծավալել՝ խեղաթյուրելու և սևացնելու պատմական անժխտելի ճշմարտությունները, աշխատելով հերքել Իթթիհատի պարագլուխների կողմից հայ ժողովրդի բնաջնջումը հրահանգող բոլոր հեռագրերի վավերականությունը և հրապարակելով կեղծ ու միանգամայն շինծու հեռագրեր ու հրամանագրեր:

Վ. Դադրյանը հոդվածում քննության է առնում Քալեաթի կողմից ուղարկված հիսուն գաղտնագիր հեռագրերի և Հատուկ կազմակերպության շարդարար ջոկատների պարագլուխներից մեկի՝ Բեհանգզին Շաքիրի երկու կարևոր նամակների բովանդակությունը, միաժամանակ, տալով այդ հեռագրերի թարգմանության մեջ տեղ գտած թվական անճշտությունները, որոնք, Վ. Դադրյանի կարծիքով, արվել են միտումնավոր, վերոհիշյալ ոճրագործների գաղտնի հաղորդակցությունների ժամանակ:

Հեղինակը ուսումնասիրության մեջ անդրադառնում է Նայիմ բեյի փաստաթղթերի վավերական լինելու, Արամ Անտոնյանի կատարած թարգմանության ճշգրտության և բնագրին հարազատ մնալու հարցերին: Դրանք հաստատելու նպատակով նա մեջբերումներ է կատարում թուրք հեղինակների վկայություններից: Այդ փաստաթղթերի բովանդակությունը ճշգրտելու համար Վ. Դադրյանը օգտագործել է թուրքական զինվորական ատյանի նյութերը և այն բոլոր վկայությունները, որոնք տրվել էին ատյանի առջև:

Օգտագործելով երկու թուրք պատմաբանների՝ Բալուրի և Բեզևի Գուրանի աշխատությունները, հոդվածագիրը բացահայտում է նազըմ բեյի և Բեհանգզին Շաքիրի մոթ նպատակները: 1906—1908 թվականներին, երբ Իթթիհատը դաշնակցություն կուսակցության հետ համատեղ պայքար էր մղում Արդուլ Համիդի վարչակարգի դեմ, վերոհիշյալ ոճրագործները դաշնակցության հետ իրենց կապերը ժամանակավոր են համարել այնքան, մինչև որ իշխանությունը կենտրոնանա իրենց ձեռքին: Այսպես, Բեհանգզին Շաքիրը իր նամակներից մեկում նշում է. «Մենք պետք է օգտագործենք նրանց (դաշնակցականներին—Ն. Չ.) ռեսուրսները: Հենց որ վերջիններք իշխանությունը, կհեշտանա դաս տալը նրանց, ովքեր ձգտում են վարչական ինքնավարության: Հենվելով թուրքական աղբյուրների վրա՝ Վ. Դադրյանը ցույց է տալիս Իթթիհատի պարագլուխների նենգ ու դավադիր նկարագիրը, նշելով Քալեաթի և Զեմալ փաշայի անձնական քարտուղար Ֆալիհ Բեքթի Աթայի հուշերը: Մյուստեղ Քալեաթը հանդես է գալիս որպես ստախոս և դաժան անձնավորություն:

Հողվածում օգտագործված են նաև Քուրթիայի դաշնակից երկրների՝ Գերմանիայի և Ավստրո-Հունգարիայի դիվանագետների, զինվորական բարձրաստիճան սպաների և հրամանատարների վկայությունները: Գրանցում Բթթի՝ադի պարագլուխները մեղադրվում են ցեղասպանության և տեղահանությունների կազմակերպման մեջ, Հիշատակության արժանի է հատկապես գերմանացի զննարար Մտանգեյի գաղտնի տեղեկագիրը: Այնտեղ նկարագրվում են թուրքական բանտերից աղատ արձակված շարդարար ավաղակախմբերի (լեթեներ) գազանությունները: Ականատես լինելով կոտորածներին, գերմանացի սպան հաստատում է պատերազմի ժամանակ թուրք զինվորականության կողմից հայ ժողովրդի ռնաշնչումը կազմակերպելու կանխատեսված ծրագրի գիտությունը:

Հողվածին կից ծանոթացրությունների մեջ կան նաև բազմաթիվ վկայություններ ու առանձին դրվագներ թուրք իշխանությունների կողմից Բիթլիսի, Տարոնի, Մշո դաշտի, Սասունի հայ ազգաբնակչության զանգվածային սպանությունների ու հրկիզումների մասին: Հատկապես ողբերգական է Քաշխոտ կոչված վայրում Բիթլիսի կառավարիչ Մուստաֆա Աբդուհալիլի կազմակերպած հազար հայ որբերի ողջակիզումը, երբ «օրերով լավել են երեխաների հոգեվարքի հեծեծանքները, և այդ անմարդկային վայրագության ժամանակ ոճրագործը ամբոխի ներկայությամբ բարձրաձայն հայտարարել է, որ «Քուրթիայի ապահովությունը պահանջում է իսպառ վերացնել հայ անունը հայկական գավառներում»:

Վերլուծելով իր ձեռքի տակ եղած տեղեկագրերն ու աղբյուրները, Վ. Դադրյանը հաստատում է նախմ-Անտոնյան փաստաթղթերի վավերականությունը և եզրակացնում, որ հայկական Եղեռնը ունի ցեղասպանության բնույթ և Բթթի՝ադի դեկավարների ծրագրած ու կանխատեսված ոճիրն է: Նաև ի դերն է հանում նախմ-Անտոնյան վավերագրի վավերականությունը ժխտող թուրք կեղծարար պատմաբանների և նրանց հովանավորող իշխանությունների գործադրած անօգուտ ջանքերը:

Ն. Տ. ՉՈՒՐՄՅԱՆ
Պատմական գիտությունների թեկնածու: